

2013 թվականի ընթացքում ՀՀ ԿԳՆ գիտության պետական կոմիտեի գործունեության հիմնական ուղղություններն են եղել.

1. Իրավական դաշտի կատարելագործում՝

1.1 Ազգային Ժողովում առաջին ընթերցմամբ ընդունվել է «Գիտական և գիտատեխնիկական փորձաքննության մասին» ՀՀ օրենքի նախագիծը: Նախագծի ընդունումը հնարավորություն կտա ներդնել գիտական և գիտատեխնիկական ծրագրերի/ թեմաների ընտրության ու հաշվետվությունների գնահատման ժամանակակից եղանակ, կնպաստի միջազգային մակարդակին համապատասխան նախագծերի ընտրությանն ու արդյունավետ իրականացմանը և գիտության ոլորտի ֆինանսավորման արդյունավետության բարձրացմանը:

1.2 ՀՀ կառավարություն է ներկայացվել «Գիտական և գիտատեխնիկական գործունեության մասին» ՀՀ նոր օրենքի նախագիծը, որով սահմանվելու են մի շարք հասկացություններ (հետազոտական համալսարան, ազգային գիտական լաբորատորիա, գիտական դրամաշնորհ), ֆինանսավորման ձևերը համապատասխանեցվելու են գիտության և տեխնիկայի զարգացման արդի չափանիշներին, ինչպես նաև՝ հստակեցվելու է լիազոր մարմնի իրավասությունների շրջանակը:

1.3 ՀՀ կառավարություն է ներկայացվել «Գիտության ոլորտ երիտասարդ կադրերի ներգրավման ծրագիրը», որով նախատեսվում է իրականացնել գիտության ոլորտի աշխատողների սոցիալ-տնտեսական և աշխատանքային պայմանների բարելավմանն ուղղված միջոցառումներ:

2. Ընթացիկ գործունեություն՝

2.1. Հայտարարվել և կազմակերպվել է 11 մրցույթ.

- Գիտական և գիտատեխնիկական գործունեության պայմանագրային (թեմատիկ) ֆինանսավորման մրցույթներ: Ներկայացվել էր ընդհանուր առմամբ 472 հայտ, 358 բնական գիտություններ և 114՝ հասարակական գիտություններ և հայագիտություն բնագավառներից: Ֆինանսավորման է երաշխավորվել 159 գիտական թեմա:

- Բարձր արդյունավետությամբ աշխատող գիտաշխատողներին հավելավճարի տրամադրման հայտերի ընտրության մրցույթ: Ներկայացվել է 280 հայտ, հաղթող է ճանաչվել 97-ը: Հաղթող ճանաչված գիտնականները մեկ տարի ստանալու են ամսական կտրվածքով 135000 դրամ՝ ներառյալ հարկերը:

- Գիտության ոլորտում ենթակառուցվածքի, նյութատեխնիկական բազայի արդիականացման համար գիտական սարքերի և սարքավորումների ձեռքբերման մրցույթ. արդյունքում հաղթել է 5 կազմակերպություն, տրամադրվել է 305 մլն 570 հազ. դրամ:

- Գիտական և գիտատեխնիկական գործունեության պայմանագրային (թեմատիկ) ֆինանսավորման շրջանակներում կիրառական արդյունքի ձեռքբերմանն ուղղված գիտական թեմաների հայտերի մրցույթ - ֆինանսավորվել է 17 թեմա (ստացվել էր 32 հայտ):

- «Երիտասարդ գիտաշխատողների հետազոտությունների աջակցության ծրագիր - 2013» մրցույթին մասնակցելու համար ստացվել է 51 հայտ, հաղթող է ճանաչվել 31 -ը, որից 30-ը ֆինանսավորվելու է Գիտության պետական կոմիտեի միջոցով:

- ԼՂՀ կրթության և գիտության նախարարության հետ համատեղ «Արցախի գիտաշխատողների հետազոտությունների աջակցության ծրագիր-2013» մրցույթ՝ բնական գիտությունների բնագավառում. ֆինանսավորման է երաշխավորվել 6 թեմա (ստացվել էր 8 հայտ):

- ՀՀ ԿԳՆ գիտության պետական կոմիտեի և Հիմնարար հետազոտությունների բելառուսական հանրապետական հիմնադրամի կողմից անցկացվող գիտական հետազոտությունների համատեղ նախագծերի աջակցության «ՀՀ ԿԳՆ ԳՊԿ - ՀՀԲՀՀ - 2014» միջազգային մրցույթ. ընդունվել է 35 հայտ:

- «ՀՀ ԿԳՆ և Գիտական հետազոտությունների ազգային կենտրոնի (Ֆրանսիա) միջև գիտական համագործակցության մասին» պայմանագրի շրջանակներում գիտական ծրագրերի «ՀՀ ԿԳՆ ԳՊԿ-ԳՀԱԿ - 2013» մրցույթ. ընդունվել է 19 հայտ:

- ՀՀ ԿԳՆ գիտության պետական կոմիտեի և Ռուսաստանյան հումանիտար գիտական հիմնադրամի կողմից անցկացվող գիտական հետազոտությունների համատեղ նախագծերի աջակցության «ՀՀ ԿԳՆ ԳՊԿ - ՌՀԳՀ - 2014» միջազգային մրցույթ. ընդունվել է 14 հայտ:

- «Ասպիրանտների և երիտասարդ հայցորդների հետազոտությունների աջակցության ծրագիր - 2013» մրցույթ:

2.2. Կազմակերպվել է 2012 թ. վերջին հայտարարված մրցույթների հայտերի գիտական փորձաքննությունն ու ամփոփվել են արդյունքները.

- ՀՀ ԿԳՆ գիտության պետական կոմիտեի և Հիմնարար հետազոտությունների ռուսաստանյան հիմնադրամի գիտական հետազոտությունների աջակցության «ՀՀ ԿԳՆ ԳՊԿ-ՀՀՌՀ - 2013» մրցույթի արդյունքում ֆինանսավորվել է 17 ծրագիր (ստացվել էր 127 հայտ):

- ՀՀ ԿԳՆ գիտության պետական կոմիտեի և Գերմանիայի կրթության և հետազոտությունների դաշնային նախարարության համատեղ ֆինանսավորմամբ անցկացված գիտական ծրագրերի աջակցության «ՀՀ ԿԳՆ ԳՊԿ-ԳԿՀԴՆ-2012» մրցույթի արդյունքում ֆինանսավորվել է 10 ծրագիր (ստացվել էր 17 հայտ):

- «Ասպիրանտների հետազոտությունների աջակցության ծրագիր - 2012» մրցույթի արդյունքում ֆինանսավորվել է 25 ծրագիր, որից գիտության պետական կոմիտեն ֆինանսավորել է 20-ը (ստացվել էր 51 հայտ):

Մրցույթների կազմակերպման գործընթացում կատարվել են հետևյալ բարեփոխումները.

- Ավելացել են գիտական թեմաների ֆինանսավորման մրցույթների ծավալները, այդ թվում՝ թեմաներում ներգրավված գիտաշխատողների միջին աշխատավարձը ավելացել է 65000-ից մինչև 100.000 դրամ:

- Գիտական թեմատիկ ծրագրերի ֆինանսավորման մրցույթների հայտերի ընտրության գործընթացում առաջին անգամ 2013 թ. ծրագրերում ներգրավվել են արտասահմանյան փորձագետ-խորհրդատուներ:

- Առաջին անգամ հայտերն ընդունվել են առցանց եղանակով՝ բացառելով ցանկացած միջամտություն մրցութային գործընթացին՝ վերացնելով ավելորդ թղթաբանությունը, գործընթացը դարձնելով ավելի դյուրին և հեշտ կիրառելի, մոտեցնելով այն միջազգայնորեն ընդունված և կիրառում ստացած չափանիշներին:

- Հայտի հեղինակին հնարավորություն է ընձեռնվել նշել 3 անցանկալի փորձագետի տվյալ:

2.3 Իրականացվել են պետական բյուջեում ընդգրկված թվով 13 գիտական և գիտատեխնիկական պետական նպատակային ծրագրեր՝ 1.536.726,3 դրամի չափով:

2.4 Կոմիտեի միջոցով ֆինանսավորվել են՝ երիտասարդ գիտնականների 3 դպրոցներ (5 մլն դրամ), 30 գիտական միջոցառում, միջազգային գործուղման և մեկնել 20 գիտնականներ:

2.5 Աշխատանքներ են տարվել ՔԵՆԴԼ նախագծի առաջին փուլն ավարտելու ուղղությամբ. հաջողությամբ ավարտվել են ԱՐԵԱԼ արագացուցչի հիմնական համակարգերի փորձարկումները:

2.6 Միջազգային համագործակցության շրջանակներում ՀՀ ԿԳՆ գիտության պետական կոմիտեն ստորագրել է .

- համագործակցության ծրագիր Ուկրաինայի գիտության, ինովացիայի և ինֆորմատիկայի հարցերով պետական գործակալության հետ,

- պայմանագիր Սեանա լճում Հայաստանի և Բելառուսի ազգային հարստություն հանդիսացող քաղցրահամ ջրամբարների էկոհամակարգերի ուսումնասիրման միջազգային գիտագործնական կենտրոն-բիոլոգիական կայան ստեղծելու մասին,

- գիտական ծրագրերի մրցույթի անցկացման կարգ Բելառուսի Հանրապետության գիտության և տեխնոլոգիաների պետական կոմիտեի հետ,

- համաձայնագիր ՀՀ գիտությունների ազգային ակադեմիայի և Ռեյստիվիստական աստղաֆիզիկայի միջազգային կենտրոն հետ,

- պայմանագիր Աբդու Մալամի անվան տեսական ֆիզիկայի միջազգային կենտրոնի հետ,

- համաձայնագիր «Նոր տեխնոլոգիաների մշակման և առևտրայնացման կենտրոնի զարգացման հիմնադրամ» ոչ առևտրային կազմակերպության հետ: